

Bosna i Hercegovina  
F. Bosne i Hercegovine  
Unsko-sanski kanton  
OPĆINA/OPŠTINA  
Bosanski Petrovac  
-Komisija za odlikovanja i  
općinska/opštinska priznanja-  
Općinskog/Opštinskog vijeća  
Broj: 02/1-04-806-2/24  
Dana: 09.04.2024. godine

Na osnovu člana 8. i 9.. Pravilnika o utvrđivanju vrste javnih priznanja općine/opštine Bosanski Petrovac, kriterija za dodjelu i načina dodjele priznanja Općinskog/Opštinskog vijeća („Službeni glasnik Općine/Opštine Bosanski Petrovac , broj:1/21), predsjednik komisije za odlikovanja i općinska/opštinska priznanja Općinskog/Opštinskog vijeća raspisuje,

**Javni poziv**  
**za podnošenje Prijedloga za dodjelu općinskih/opštinskih priznanja općine/opštine**  
**Bosanski Petrovac, za 2024. godinu**

**Član 1.**

Raspisuje se Javni poziv za podnošenje Prijedloga – inicijative za dodjelu općinskih/opštinskih priznanja, općine/opštine Bosanski Petrovac, za 2024. godinu.

**Član 2.**

Javna priznanja općine/opštine su:

1. *Počasni građanin,*
2. *Zlatna plaketa ,*
3. *Srebrna plaketa i*
4. *Zahvalnica.*

**I JAVNO PRIZNANJE "POČASNI GRAĐANIN OPĆINE/OPŠTINE BOSANSKI PETROVAC"** je priznanje koje se dodjeljuje građaninu Bosne i Hercegovine i stranom državljanu:

- koji se naročito istakao u razvoju i promovisanju Općine/ Opštine Bosanski Petrovac,
- koji se istakao u unapređenju međunarodne saradnje i očuvanju mira u zemlji i inostranstvu,
- koji se zalagao za jačanje i razvijanje međunacionalnih odnosa, ljudskih prava i sloboda, demokratičnost, humanost, solidarnost i toleranciju među ljudima različite nacije, vjere i kulture, te humanitarnim i drugim dobrotvornim aktivnostima

Svake četiri godine dodjeljuje se „najviše „jedno javno priznanje " Počasni građanin Općine/Opštine Bosanski Petrovac" .

**II JAVNO PRIZNANJE " ZLATNA PLAKETA OPĆINE/OPŠTINE BOSANSKI PETROVCA"** je priznanje koje se dodjeljuje građanima Bosne i Hercegovine, stranim državljanima, privrednim društvima, ustanovama, udruženjima građana i drugim pravnim osobama za izuzetan doprinos:

- u jačanju i izgradnji institucija lokalne zajednice u Općini/Opštini i njenoj afirmaciji u zemlji i u inostranstvu;
- u prosvjetnoj djelatnosti i organizaciji vaspitnog i obrazovnog rada;

- u uspješnoj i istaknutoj naučnoj djelatnosti u svim oblastima;
- na razvoj komunalne infrastrukture;
- za investicijska ulaganja u proširenje proizvodnih kapaciteta i zapošljavanju većeg broja radnika;
- u promovisanju i razvoju Općine/Opštine kao turističke destinacije;
- u očuvanju i njegovanju kulturno historijskog nasljeđa;
- razvoju socijalno – zdravstvene zaštite;
- prostornom razvoju Općine;
- u očuvanju i zaštiti čovjekove životne okoline;
- u oblastima kulture, fizičke kulture i sporta i drugim oblastima javnog i društvenog života.

Svake godine se dodjeljuje „najviše „ jednoj javno priznanje " Zlatna plaketa Općine/Opštine Bosanski Petrovac".

**III JAVNO PRIZNANJE „SREBRENA PLAKETA OPĆINE/OPŠTINE BOSANSKI PETROVAC“** je priznanje koje se dodjeljuje građanima Općine/Opštine za zasluge stečene na privrednom, kulturnom, obrazovnom, naučnom, zdravstvenom, sportskom, humanitarnom, ekološkom i drugim područjima života i rada.

„Srebrena plaketa Općine/Opštine“ može se dodjeliti i preduzetnicima, ustanovama, vjerskim zajednicama, udruženjima građana i drugim organima, organizacijama i institucijama na području Općine/Opštine Bosanski Petrovac.

Svake godine se dodjeljuju „najviše „ dvije ( 2 ) "Srebrene plakete Općine/Opštine Bosanski Petrovac".

**IV JAVNO PRIZNANJE „ ZAHVALNICA OPĆINE/OPŠTINE BOSANSKI PETROVAC “** dodjeljuje se građanima i institucijama Općine/Opštine Bosanski Petrovac i drugih nivoa vlasti u BIH, pojedincima i institucijama prijateljskih Općina/Opština kao i stranim državljanima i institucijama koji su dali značajan doprinos:

- U razvoju i promovisanju Općine/Opštine u oblasti nauke, kulture, ekonomije, obrazovanja, fizičke kulture, sporta, zdravstva, socijalne politike i drugim oblastima od značaja.

Svake godine se dodjeljuju tri ( 3 ) javna priznanja "Zahvalnica Općine/Opštine Bosanski Petrovac".

#### **Član 3.**

Javna priznanja „ Zahvalnica“ i „ Srebrena plaketa“ pored Općinskog vijeća može dodjeliti i Općinski/Opštinski Načelnik prema utvrđenim kriterijima Pravilnika, u cilju ostvarivanja interesa Općine/Opštine zaslužnim građanima i pravnim osobama Općine/Opštine, o čemu je obavezan upoznati nadležnu Komisiju i Općinsko/Opštinsko vijeće.

#### **Član 4.**

1. Javno priznanje može se dodjeliti i posmrtno i to u roku od dvije godine nakon smrti.
2. Javno priznanje koje se dodjeljuje posmrtno, kao i ono koje nije uručeno nagrađenom za života, uručuje se članovima njegove uže porodice ( bračni drug, roditelji, djeca).
3. Ako javno priznanje nije moguće uručiti članu uže porodice, isto će biti uručeno najbližem srodniku

## **Postupak za dodjelu općinskih/opštinskih priznanja**

### **Član 5.**

Prijedloge za dodjelu Općinskih priznanja, mogu podnositi građani pojedinačno ili grupno, udruženja građana, Mjesne zajednice sa područja Općine/Opštine Bosanski Petrovac, privredna društva, ustanove i druga pravna lica, organizacije, klubovi vijećnika, političke stranke i Općinski/Opštinski Načelnik.

U ime pravnih lica i organizacija Prijedlog podnosi najviši organ upravljanja odnosno najviši organ predlagača.

Prijedlog za javna priznanja mora biti detaljno obrazložen uz navođenje svih relevantnih elemenata za ocjenu uspjeha predloženog kandidata i podnesen **najkasnije do 19 .aprila** tekuće godine.

### **Član 6.**

**Prijedlog za javna priznanja se podnosi Komisiji za odlikovanja i Općinska/Opštinska priznanja, Općinskog/Opštinskog vijeća , čije sjedište je u zgradi općine/opštine, ulica Bosanska , broj: 110. U zatvorenoj kovrti sa naznakom „ne otvarati“.**

Odluku o dodjeli javnih priznanja Općine /Opštine Bosanski Petrovac, donosi Općinsko/Opštinsko vijeće na prijedlog Komisije za odlikovanja i općinska/opštinska priznanja.

Javna priznanja dodjeljuju se na svečanoj sjednici Općinskog/Opštinskog vijeća.

Fizičkim i pravnim licima dodjeljeno javno priznanje uručuje Predsjedavajući Općinskog/Opštinskog vijeća i Općinski/Opštinski Načelnik.

### **Član 7.**

Javno priznanje Općine/Opštine Bosanski Petrovac može se opozvati ukoliko se dobitnik priznanja pokaže nedostojnim javnog priznanja Općine/Opštine Bosanski Petrovac.

Opoziv javnog priznanja vrši se na način i po postupku za njegovu dodjelu, a utvrđen je Pravilnikom.

Rješenje Općinskog/Opštinskog vijeća o dodjeli javnih priznanja općine/opštine objavljuje se u „Službenom glasniku“ općine/opštine.

Predsjednik  
Komisije za odlikovanja i općinska/opštinska priznanja

Željko Atlagić



Dostavljeno:

- Lokalni radio,
- Načelniku Općine,
- Predsj.klubova vijećnika,
- Predsjednicima Savjeta MZ-a,
- JU-e li JP-a ,
- oglasna tabla,
- web portalu,
- a/a